

#MyArmenianStory Յաճախ Տրուած Հարցումներ

Ի՞նչ է #MyArmenianStory նախագիծը:

#MyArmenianStory նախագիծը USC համալսարանի հայագիտական հիմնարկին կողմէ կազմակերպուած է հաւաքագրելու համար հայերուն պատմութիւնները: Ծրագիրն է գտնել եւ արձանագրել անհատական պատմութիւններ եւ բոլորը ի մի բերելով մաս դարձնել հաւաքական ազգային պատմութեան: Նպատակն է ընտանեկան եւ այլ պատմութիւններ ու յուշեր հաւաքել: Ձեր մայրիկէն, հօրաքոյրէն, դրացիէն, բարեկամէն – կարելի է սկսիլ ուրկէ որ կ'ուզէք: Մինչ կը յայտնաբերէք ձեր պատմութիւնը, նպաստած կ'ըլլաք հայերու հաւաքական պատմութեան ուսումնասիրութեան: #MyArmenianStory նախագիծը աղբիւրներու հաւաքածոյ մըն է, որ ուսումնասիրողներուն կը ներկայացնէ հայկական փորձառութեան ծաւալը եւ խորքը:

Որքա՞ն պէտք է ըլլայ հարցազրոյցի մը տեւողութիւնը:

45 վայրկեան տեւողութեամբ կարճ հարցազրոյցները ընդունելի են, սակայն հարցազրոյցներուն մեծ մասը երկու ժամ և աւելի կը տեւեն: Որեւէ երկարութեամբ հարցազրոյց ընդունելի է այս հաւաքածոյին համար:

Կարելի՞ է հարցազրոյցները վարել հայերէնէ կամ անգլերէնէ զատ ուրիշ լեզուներով:

Այո: Հարցազրոյց մը նոյնիսկ կրնայ մէկէ աւելի լեզուներով ըլլալ: Հարցազրոյցը վարողը եւ ենթական պէտք է խօսին այն լեզուով, որ հանգիստ կը զգան: Կրնան նաեւ լեզուէ լեզու անցնիլ երբ ուզեն:

Եթէ հարցազրոյցը անգլերէնով չէ կամ լեզուէ լեզու կ'անցնի, պէ՞տք է թարգմանել:

Ոչ: Պէտք չունիք հարցազրոյցի որեւէ բաժինին թարգմանութեան մասին մտահոգուելու: Որեւէ լեզուով կամ լեզուներու համադրութեամբ հարցազրոյցներ ընդունելի են:

Պէ՞տք է հարցազրոյցը վարողը կամ ենթական հայ ըլլայ:

Ոչ: Սահմանափակումներ չկան: Ոեւէ անձ, որ հայերու վերաբերեալ պատմութիւն մը ունի, #MyArmenianStory նախագիծին համար կրնայ հարցազրոյց վարող կամ ենթակայ ըլլալ:



Հարցազրույցի ենթական պե՞տք է ընտանիքի անդամ կամ ազգական ըլլայ:

Կրնաք հարցազրույց ընել ռեւէ մէկուն հետ, որուն պատմութիւնը կ'ուզէք գիտնալ կամ կը մտածէք, որ պէտք է արձանագրել ապագայ սերունդներուն համար:

Հարցազրույցի ենթական պե՞տք է երեւելի անձնատրութիւն ըլլայ :

Ոչ: Ենթական պարզապէս պէտք է համաձայն ըլլայ կիսելու իր փորձառութիւնները եւ պատմութիւնները: Շատ արժէքաւոր են ամէն մարդու մանկութեան յուշերը, գաղթականութեան յուշերը կամ ծնողներուն եւ նախնիներուն գաղթականութեան յուշերը, գաղութի մը մէջ հասակ առնելը, քաղաքէ մը քաղաք կամ երկիրէ երկիր փոխադրուիլը, ասպարէզ ընտրելը, ընտանիք կազմելը – մանաւանդ երբ մաս կը կազմեն ձեր պատմութեան:

Այս նախագիծը միայն սփիւոքի մէջ ծնողներու համա՞ր է:

Ոչ: Այս նախագիծին նպատակն է հաւաքել բոլորին պատմութիւնները - անոնք, որ ծնած են սփիւոքի մէջ եւ անոնք որ հասակ առած են Խորհրդային Հայաստանի մէջ, եւ անոնք որ ներգաղթած են դէպի Խորհրդային Հայաստան, ինչպէս նաեւ անոնք, որ կապրին Հայաստանի Հանրապետութեան մէջ:

Ի՞նչ կը պատահի եթէ ուզեմ մէկուն հետ հարցազրույց վարել, ով կը մտածէ թէ բան մը չունի պատմելու:

Եթէ վարանող հարցազրույցի ենթակայի մը հանդիպիք, կրնաք առաջարկել սկսիլ առարկայ մը ցոյց տալով, որ պիտի յիշեցնէ կեանքի հանգրուան մը, որ կրնայ կարեւոր կամ անկարեւոր ըլլալ, կրնայ սերունդներու միջեւ փոխանցուած ըլլալ, կամ երկրէ մը երկիր: Կրնայ գիրք մը ըլլալ, օրագիր մը, լուսանկար մը, յիշատակ մը, որ զգացում մը ի յայտ կը բերէ, յուզում մը արթնցնող կապ մը: Այսպիսով սկիզբ մը դրած պիտի ըլլաք եւ կրնաք վերադառնալ հարցումներուն:

Կա՞յ տարիքային սահմանափակում:

18 տարեկանը բոլորած ամէն մարդ կրնայ հարցազրույցի ենթակայ ըլլալ: Կրնայ աւելի հետաքրքրական եւ օգտակար ըլլալ հարցազրույց ընել անձի մը հետ, ով զանազան փորձառութիւններ ունեցած է, գիտակից է իր ապրած կեանքին եւ կարողութիւն ունի պատմելու իր յուշերը: Երբ նայիք հարցումներուն, աւելի լաւ պատկերացում պիտի ունենաք թէ որ անձը աւելի յարմար ենթակայ պիտի ըլլայ:

Հարցազրույցները պե՞տք է դէմ առ դէմ կատարել:

Հարցազրույցները կարելի է կատարել դէմ առ դէմ եւ Zoom կամ Skype-ի նման հարթակներու միջոցաւ: Կցուած ուղեցոյցին մէջ կարելի է գտնել արձանագրելու զանազան կերպերը:

Ինչպե՞ս կարելի է յանձնել հարցազրույցները:

Բոլոր հարցազրույցները կարելի է յանձնել USC համալսարանի հայագիտական հիմնարկի կայքէջին վրայէն <https://armenian.usc.edu/myarmenianstory/>:

Ի՞նչ է տարբերությունը կարճ եւ ընդլայնուած հարցումներու ուղեցոյցերուն միջեւ:

Երկուքն ալ նոյն նիւթերը կ'ընդգրկեն: Ընդլայնուած ուղեցոյցը աւելի մանրամասն եւ հետեւողական հարցումներ կը պարունակէ: Գործածեցէք այն մէկը, որ աւելի հանգիստ կը զգաք, կամ գործածեցէք երկուքէն առնուած բաժիններ: Շատ կարելո՞ր է հետեւիլ հարցազրոյցի ենթակայի ընթացքին, որոշելու համար թէ ո՞ր հարցումները ամենէն յարմար պիտի ըլլան հարցնելու համար:

Եթէ որոշեմ ընդլայնուած ուղեցոյցը գործածել, կրնա՞մ որոշ հարցումներ դուրս ձգել կամ ցատկել:

Կրնաք գործածել երկու ուղեցոյցերէն որ մէկը որ կուզէք, ինչպէս որ յարմար կը գտնէք: Ընդլայնուած հարցումներու ուղեցոյցը լեցուն է հարցումներով ամէն տեսակի ծագում եւ պատմութիւն ունեցող մարդոց համար: Ընտրեցէք այն հարցումները որոնք կը պատշաճին ձեր հարցազրոյցի ենթակային:

Հարցազրոյցը վարողը կրնա՞յ զրոյցը առաջնորդել դէպի կողմ մը, որ չէ նշուած հարցումներու ուղեցոյցին մէջ եւ ամբողջովին զանց առնել որոշ բաժիններ:

Այո: Հարցազրոյցը վարողը պէտք է հետեւի ենթակայի ընթացքին ընտրելու համար յարմարագոյն հարցումները եւ նիւթերը: Կարելի է զանց առնել այն հարցումները, որ չեն յարմարիր: Եթէ նիւթեր եւ ուղղութիւններ ի յայտ գան, որ չեն նշուած հարցումներու ուղեցոյցին մէջ, հարցազրոյցը վարողը կրնայ իր հարցումները հարցնել եւ հետեւիլ հարցազրոյցի ընթացքին:

Ես երբեք հարցազրոյց չեմ վարած: Բաւական հմուտ կրնա՞մ ըլլալ այս հարցազրոյցը վարելու համար:

Հարցազրոյց մը երկար եւ խորունկ զրոյց մըն է: Շահագրգռուած անձ մը շատ լաւ կրնայ վարել: Ձեր հետաքրքրութեամբ եւ մեր ուղեկցութեամբ, պատրաստ պիտի ըլլաք ձեր առաջին հարցազրոյցը վարելու: Հարցազրոյցի ուղեցոյցը կը պարունակէ հարցումներու եւ նիւթերու շարք մը, որ կրնաք գործածել:

Հարցազրոյցս յանձնելէն ետք, ո՞վ պիտի ըլլայ հարցազրոյցին իրաւատէրը:

Հարաւային Քալիֆորնիոյ համալսարանի (USC) հայագիտական հիմնարկը պիտի ըլլայ իրաւատէրը հարցազրոյցին, որ մաս պիտի կազմէ հետազոտողներու տրամադրելի համալսարանի արխիւին: Սակայն դուք պիտի ըլլաք իրաւատէրը ձեր պատրաստած արձանագրութեան: Վստահ եղէք, որ հարցազրոյցէն օրինակ մը պահած էք ձեր եւ ձեր ընտանիքին համար, որովհետեւ հետագային կրնայ երկար ժամանակ տեւել կամ խրթին ըլլալ օրինակ մը պահանջելը:

Ի՞նչ պետք է ընել հարցազրույցը ընդհատուելու պարագային:

Ընդհատումները մաս կը կազմեն հարցազրույցի ընթացքին: Եթե ընդհատումը կարճ է եւ չի խանգարեր արձանագրութեան, պարզապէս շարունակեցէք հարցազրույցը: Եթե արձանագրութիւնը դադրեցուած է, նոր արձանագրութիւն մը սկսեցուցէք եւ վստահ եղէք որ ճիշդ անուանում գործածած էք պահելու ժամանակ: Անուանումի կերպերուն համար կրնաք նայիլ Ուղեցոյցին:

Ի՞նչ պետք է ընեմ եթէ հարցազրույցի ենթական յուզուի:

Շատ բնական է մարդիկ զգացուին երբ յիշեն իրենց կեանքի պատմութեան կարեւոր դրուագները: Թոյլ տուէք վերադառնայ անոնց հանդարտութիւնը եւ շարունակեցէք հարցազրույցը: Պետք չունիք դադրեցնելու արձանագրութիւնը:

Ի՞նչ պետք է ընեմ եթէ հարցազրույցի ենթական ուզէ վաւերաթուղթ մը, լուսանկար մը, կամ այլ յուշի առարկայ մը բաժնեկցիլ:

Վաւերաթուղթեր, լուսանկարներ կամ այլ յուշի առարկաներ ողջունելի են, որովհետեւ կօզնեն հարցազրույցը աւելի լաւ հասկնալու եւ կը տրամադրեն տեսողական եւ նիւթական աղբիւրներ: Կրնաք պատճենել (scan) եւ յանձնել Հիմնարկին հարցազրույցին հետ միասին կամ կանխավճարային փոստային ծառայութեամբ (prepaid fedex envelope) ուղարկել Հիմնարկի հասցեին:

Ի՞նչ կարելի է ընել երբ հարցազրույցը կէսէն դադրի եւ չկարենամ ամբողջացնել: Կրնա՞մ կիսատ հարցազրույց մը յանձնել:

Այո: Ուղեցոյցէն տեսէք թէ ինչպէս կարելի է անուանել մէկէ աւելի բաժին ունեցող հարցազրույց մը: Երբ որ կարելի է, փորձեցէք ամբողջացնել հարցազրույցը: Կրնայ նաեւ ուրիշ օր մը ըլլալ:

Կրնա՞յ երրորդ անձ մը մաս կազմել հարցազրույցին: Ընտանիքի անդամ մը կրնա՞յ միջամտել եւ ուղղել հարցազրույցի ենթակային յիշածները:

Լաւագոյնը պիտի ըլլայ խնդրել ընտանիքի անդամէն սպասել եւ այլ հարցազրույց մը իրականացնել անոր հետ եւս: Իւրաքանչիւր անձի պատմութիւնը արժեքաւոր է: Սակայն երկու հոգի տեղաւորել տեսախցիկի պատկերին մէջ դժուար է եւ երկու հոգիին միատեղ խօսիլը խառնաշփոթ պիտի ստեղծէ արձանագրութեան մէջ: Դասաւորումները կրնաք ընել արձանագրութիւնը դադրեցնելով եւ կամ արձանագրութեան ընթացքին:

USC համալսարանը ինչպէ՞ս կը ծրագրէ գործածել իմ հարցազրույցս

USC համալսարանի հայագիտական հիմնարկը պիտի հաւաքէ, ցանկագրէ եւ թուային արխիւի վերածէ հարցազրույցները: Այս արխիւը, որպէս առաջնային աղբիւր, տրամադրելի պիտի ըլլայ ուսումնասիրողներուն:

Ո՞ր պիտի տեղակայուած ըլլայ հարցազրոյցի հաւաքածոն:

Հաւաքածոն պիտի տեղակայուած ըլլայ USC համալսարանի հայագիտական հիմնարկի թուային արխիւին մէջ:

Արձանագրութիւնները բաց պիտի ըլլա՞ն հանրութեան եւ տրամադրելի առցանց հասանելիութեամբ: Ո՞վ եւ ինչպէ՞ս կրնայ տեսնել իմ հարցազրոյցս:

Արձանագրութիւնները տրամադրելի պիտի ըլլան անոնց, որ արխիւին հասանելիութիւն կը պահանջեն: Հարցազրոյցները հանրութեան բաց պիտի չըլլան, առցանց հասանելիութեամբ:

Համաձայնութեան վկայագիրեր կա՞ն, որ հարցազրոյցի ենթակաները պէտք է ստորագրեն:

Հարցազրոյցի ենթական պիտի տայ բանաւոր համաձայնութիւն հարցազրոյցի ընթացքին:

Ինչպէս նաեւ հարցազրոյց վարողը պիտի հաստատէ այս համաձայնութիւնը արձանագրութիւնը յանձնելու ժամանակ:

Հարցազրոյց վարողը կրնա՞յ մէկէ աւելի հարցազրոյցներ վարել զանազան անձերու հետ:

Այո: